

Broj :05-33-1-810-2/25
 Sarajevo , 14.02.2025.godine

PARLAMENT FEDERACIJE
PREDSTAVNIČKI / ZASTUPNIČKI DOM
Pedsjedavajući/Predsjedatelj

Hamdije Kreševljakovića br. 3.
71 000 Sarajevo

Bosna i Hercegovina
 Federacija Bosne i Hercegovine
PARLAMENT FEDERACIJE
SARAJEVO

Primljeno: 18-02-2025			
Org. jed.	Broj	Priloga	Vrijednost
05/1	-02-	66	125

PREDMET: *Odgovor na zastupničku inicijativu koju je podnijela zastupnica Ajla Milišić-Pepić - dostavlja se*

Veza: *Vaš Akt broj:05/1-02-66/25 od 05.02.2025.godine*

Poštovani,

U vezi Vašeg Akta broj i datum gornji (zaprimljenog dana 12.02.2025.godine) odnosno zastupničke inicijative, koju je zastupnica Ajla Milišić - Pepić podnijela na 17.redovnoj sjednici Predstavničkog doma Parlamenta Federacije BiH održanoj 04.02.2025.godine, u prilogu ovog akta se dostavlja *Odgovor na navedenu zastupničku inicijativu.*

S poštovanjem,

Priloga(1)

Dostaviti: ① Naslovu

2. Vlada Federacije BiH
 Hamdije Čemerlića br.2
 71000 Sarajevo
 Tajnik Vlade C.O.

3.Federalno ministarstvo zdravstva C.O.
 4.a/a

Izv. prof. dr. sc. Vlatka Martinović, dr.med.





Broj :05-33-1-810-1/25
Sarajevo , 14.02.2025.godine

ODGOVOR

**NA ZASTUPNIČKU INICIJATIVU KOJU JE PODNIJELA ZASTUPNICA AJLA
MILIŠIĆ- PEPIĆ**

Sarajevo, februar 2024. godine

Adresa: Trg Heroja 14, Sarajevo
Telefon: +387 33 728 700
Fax: +387 33 655 856
E-mail: zavod@zzofbih.ba
Web: www.zzofbih.ba
JIB: 4200642000008

UNION BANKA Sarajevo

Depozitni račun, KM: 102 05 000 000 64018
Glavni transakcijski račun, KM: 102 05 000 000 70808
Transakcijski račun, KM: 102 05 000 000 88753
Transakcijski račun, KM: 102 05 000 000 26964
Transakcijski račun, EUR: 102 05 000 000 70808
IBAN CODE: BA39 102 05 000 000 70808



Zastupnica Ajla Milišić - Pepić podnijela na 17.redovnoj sjednici Predstavničkog doma Parlamenta Federacije BiH održanoj 04.02.2025.godine, zastupničku inicijativu koja glasi:

„Da nabavku inzulinskih pumpica, aparata i trakica za kontrolu šećera u krvi izvrši Zavod zdravstvenog osiguranja i reosiguranja FBiH u skladu sa Zakonom o javnim nabavkama BiH.

Na način da ZZOiR FBiH obezbijedi pumpice putem subvencioniranja troškova korisnicima inzulinske pumpice u iznosu od 100% vrijednosti inzulinske pumpice.

Aparate i trakice za kontrolu šećera u krvi treba osigurati ZZOiR FBiH refundiranjem troškova za nabavku aparata (sa pratećim lancetatom, iglicama i sl. pratećom i potrebnom opremom) i odgovarajućih trakica za kontrolu šećera u krvi."

U vezi gore navedene zastupničke inicijative zastupnice Ajle Milišić - Pepić daje se sljedeći:

ODGOVOR

I

Prije svega, a u vezi nadležnosti ovog Zavoda, vezano za nabavke lijekova i medicinskih sredstava koji se finansiraju sredstvima federalnog fonda solidarnosti daju se slijedeće informacije.

Naime Zavod zdravstvenog osiguranja i reosiguranja Federacije BiH u okviru svojih nadležnosti, saglasno odredbama Odluke o utvrđivanju osnovnog paketa zdravstvenih prava ("Službene novine Federacije BiH", broj: 21/09), te odredbama Odluke o utvrđivanju prioriternih vertikalnih programa zdravstvene zaštite od interesa za Federaciju Bosne i Hercegovine i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH", br. 08/05, 11/07, 44/07, 97a/07, 33/08 i 52/08 – u daljem tekstu - Odluka o prioritetima) iz sredstava federalnog fonda solidarnosti, finansira prioritetne vertikalne programe zdravstvene zaštite od interesa za Federaciju Bosne i Hercegovine i prioritetne najsloženije oblike zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine.

Dalje se napominje da saglasno tački tački IX stav 2. pod 1. d. Odluke o utvrđivanju osnovnog paketa zdravstvenih prava („Službene novine Federacije BiH”, broj: 21/09), osnovnim paketom zdravstvenih prava obezbjeđuje provođenje preventivnih programa i programa unapređenja zdravlja kod djece i drugih zdravstvenih usluga pa i nabavka traka i aparata za kontrolu dijabetesa, a koji se finansiraju sredstvima Federalnog fonda solidarnosti.

Takođe saglasno tački II pod f) i tački III stav 1.pod f) Odluke o prioritetima sredstvima federalnog fonda solidarnosti finansiraju se, između ostalog i programi unapređenja zdravlja kod djece te i nabavka traka i aparata za kontrolu dijabetesa.

Dakle u okviru tog programa, koji se finansira sredstvima Federalnog fonda solidarnosti ovaj Zavod vrši nabavku aparata za kontrolu dijabetesa u krvi (mjerjenje šećera u krvi) te traka/trakica za kontrolu dijabetesa u krvi (određivanje šećera u krvi) i to za osigurane osobe do 18 godina života (za djecu do 15 godina života, kao i starije maloljetnike do 18 godina života), kod kojih je utvrđen dijabetes.

Na osnovu tačke XIII stav 3. Odluke o osnovnom paketu koju je donio Parlament Federacije BiH, postupak ugovaranja zdravstvenih usluga pa i naprijed navedenih traka i aparata za kontrolu dijabetesa, provodi se kroz postupak javnih nabavki saglasno odredbama Zakona o javnim nabavkama ("Službeni glasnik BiH", br. 39/14, 59/22 i 50/24)

pri čemu je u provođenju postupaka javnih nabavki koja se finansiraju iz sredstava federalnog fonda solidarnosti pa i javne nabavke nabavka traka i aparata za kontrolu dijabetesa Federalni zavod, ugovorni organ.

II

U vezi navoda iz obrazloženja predmetne zastupničke inicijative: „nabavkom medicinskog sredstva nezadovoljavajućeg nivoa kvaliteta u slučaju kriterija najniže cijene“ ; Aparati za mjerenje glukoze u krvi sa pripadajućim trakicama nabavljeni ovim postupkom, kriterijom najniže cijene su praćeni prigovorima od strane korisnika i ponavljanim upitima o adekvatnosti ovih medicinskih sredstava“; „zbog nepovjerenja u u sredstva obezbjeđena tim načinom“ , odnosno u vezi navoda koji se tiču kvaliteta predmetnih medicinskih sredstava daje se sljedeće očitovanje.

U ranijim postupcima javnih nabavki traka i aparata za kontrolu dijabetesa (glukoze u krvi) te i inzulinskih pumpi napominje se da je jedan od uslova preciziran u tenderskim dokumentacijama predmetnih javnih nabavki taj da su predmetna medicinska sredstva upisana u Registar medicinskih sredstava Bosne i Hercegovine na osnovu potvrda/rješenja Agencije za lijekove i medicinska sredstva, a saglasno odredbama Zakona o lijekovima i medicinskim sredstvima (“Službeni glasnik BiH”, broj:58/08) i odredbama Pravilnika o medicinskim sredstvima (“Službeni glasnik BiH”, br.04/10 i 21/22) čime su se stekli ulovi za njihovo stavljanje u promet na tržištu Bosne i Hercegovine.

U vezi potvrde/rješenja Agencije za lijekove i medicinska sredstva Bosne i Hercegovine kojim je odobren upis navedenih medicinskih sredstava u registar medicinskih sredstava koji vodi Agencija za lijekove i medicinska sredstva Bosne i Hercegovine i koja se traži u tenderskim dokumentacijama, napominje se sljedeće. Navedenom potvrdom se utvrđuje da li medicinsko sredstvo ispunjava zahtjeve Zakona o opštoj sigurnosti proizvoda, Zakona o tehničkim uslovima za proizvode i ocjenjivanju usklađenosti, Zakona o lijekovima i medicinskim sredstvima kao i propisima donesenim na osnovu navedenih zakona. Osim navedenog treba naglasiti da iz odredbi Pravilnika o medicinskim sredstvima (član 68.), jasno proizilazi da za dobijanje potvrde/rješenja o upisu u registar medicinskih sredstava kod Agencije za lijekove i medicinska sredstva Bosne i Hercegovine, podnositelj zahtjeva mora Agenciji za lijekove i medicinska sredstva Bosne i Hercegovine, dostaviti svu dokumentaciju iz člana 68. Pravilnika, odnosno iz navedenih odredbi Pravilnika jasno se vidi da medicinsko sredstvo prilikom registracije mora zadovoljavati standarde EU tj. da mora biti usklađeno sa direktivama i propisima EU, odnosno isto se mora nalaziti u prometu u zemlji proizvođača ili u jednoj od zemalja EU. Predmetna medicinska sredstva su, kako smo ranije naveli registrovana medicinska sredstva, što znači da su ista zadovoljila uslove registracije u skladu sa članom 68. Pravilnika o medicinskim sredstvima, a kvalitet i sigurnost predmetnih medicinskih sredstava, u ovom slučaju aparata sa trakama za mjerenje glukoze u krvi za djecu i inzulinskih pumpi utvrđuje isključivo Agencija za lijekove i medicinska sredstva BiH, u procesu registracije, te je jasno da dobijanje statusa registrovanog predmetnog medicinskog sredstva u isto vrijeme podrazumjeva ispunjavanje standarda EU u pogledu sigurnosti i kvaliteta.

U vezi sa odgovarajućim definisanjem predmeta nabavke u tenderskim dokumentacijama, napominjemo da se ovaj Zavod svojim Aktom broj:01/I-03-3-2612-11/20 od 24.09.2020.godine obratio Federalnom ministarstvu zdravlja, kao nadležnom za postupanje, saglasno članu 20. Zakona o organizaciji uprave u Federaciji BiH („Službene novine Federacije BiH”, broj 35/05), po kojem su organi uprave, pa i Federalno ministarstvo zdravlja, „ dužni da u poslovima iz svoje nadležnosti, pripremaju zakone i druge propise kada o tome odluči organ zakonodavne ili izvršne vlasti, odnosno kada samostalno ocijene da je potrebno donijeti zakon ili drugi propis ili treba izvršiti izmjene i dopune zakona ili drugog

propisa iz oblasti za koju su nadležni..” Navedena Inicijativa se odnosila na prijedlog ovog Zavoda da se pristupi donošenju materijalnog propisa vezanog za nabavku traka i aparata za kontrolu dijabetesa koji se finansiraju sredstvima Federalnog fonda solidarnosti odnosno da se definiše minimum specifikacija/parametara vezano za kvalitet određivanja glukoze u krvi kod djece, a u slučaju potrebe i da se prethodno definiše u postojećoj regulativi i pravni osnov, odnosno da se donesu odgovarajuće dopune propisa koje se tiču pravnog osnova za donošenje navedenog materijalnog propisa. Sve prethodno navedeno, a što je navedeno i u Inicijativi, rezultiralo bi donošenjem odgovarajućeg materijalnog propisa u kojem bi, kao kod lijekova i potrošnog materijala za dijalizu, a u ovom slučaju kod traka i aparata za kontrolu dijabetesa, na odgovarajući način bili definisani aparati i trake za kontrolu dijabetesa, koji se trebaju nabavljati što bi bio osnov za njihovo definisanje i u tenderskim dokumentacijama kroz definisanje predmeta nabavke i tehničkih specifikacija istih. Federalno ministarstvo zdravstva je odgovorilo svojim Aktom broj: 01-33-1257/22 i svojim Aktom broj: 01-33-5317/20 u kojima je, između ostalog, navelo da „nema pravnog osnova niti u jednom zakonu u oblasti zdravstva za donošenje pravnog propisa, a u skladu sa Vašom inicijativom” odnosno da „nema zakonskog osnova za donošenje podzakonskog akta, kojim će se bliže urediti oblast nabavke traka i aparata za kontrolu dijabetesa”.

U vezi provođenja ranije javne nabavke aparata sa trakama za mjerenje glukoze u krvi za djecu napominjemo da se radi o okončanom postupku, a na osnovu kojeg je i zaključen ugovor o isporuci (postupak proveden saglasno pozitivnim propisima, načelima Zakona o javnim nabavkama te i načelu transparentnosti i izabran ponuđač nakon provođenja e-aukcije, Rješenjem Ureda za razmatranje žalbi broj: JN2-03-07-1-1482-8/22 od 01.07.2022.godine žalba je odbijena kao neosnovana, Presudom Suda Bosne i Hercegovine broj: S1-3-U-043255 22 U od 08.08.2024. odbijena je tužba u predmetnom postupku), a u vezi tehničke specifikacije treba naglasiti i to da se kod preciziranja iste, nastojalo da se obezbjedi adekvatna metode mjerenja glukoze i obezbjedi tačnost mjerenja pri čemu su se koristili rezultati Međunarodnog instituta za dijabetes koji su prihvaćeni i od AAED American Association of diabetes Educators). Naime izborom fotometrijske metode i GDH-FAD metode (biosenzorsku tehnologiju – metod glukoza dehidrogenaza flavin adenin dinukleotid) osigurana je tačnost rezultata mjerenja glukoze. Međunarodni institut za dijabetes (Institut für Diabetes-Technologie GmbH – IDT, J Diabetes Sci Technol, svezak br. 6, izdanje br. 5.) proveo je ispitivanje preciznosti 43 sistema za samokontrolu glukoze u krvi a u skladu normi DIN EN ISO 15197 sukladno njemačkom Zakonu o medicinskim uređajima. Najbolji rezultat u preciznosti postigao je upravo aparat za mjerenje glukoze u krvi koji koristi fotometrijsku metodu, a iza njega aparati sa GDH-FAD metodom <http://www.ncbi.nlm.nih.gov/pmc/articles/PMC3570840/> Ova studija je prihvaćena i od AAED American Association of diabetes Educators), www.diabeteseducator.org/.../aade/. U provedenim postupcima javnih nabavki, tenderske dokumentacije, u tom dijelu su i potvrđene u postupcima po žalbi od strane Ureda za razmatranje žalbi.

Takođe napominjemo da je odredbama Pravilnika o medicinskim sredstvima kao i Pravilnika o praćenju neželjenih pojava vezanih za medicinska sredstva (materiovigilansa, vigilansa medicinskih sredstava) („Službeni glasnik BiH”, broj: 58/12), Agencija za lijekove i medicinska sredstva BiH nadležna nad vigilancom medicinskih sredstava koji su upisani u Registar medicinskih sredstava Bosne i Hercegovine.

Na upit Zavoda zdravstvenog osiguranja svojim Aktom broj: 01/I-03-3-3643-3/22 od 20.03.2023.godine odnosno traženja informacija vezanih za mogućnost prometovanja predmetnim aparatima sa trakama za mjerenje glukoze u krvi za djecu, Agencija za lijekove i medicinska sredstva je odgovorila svojim Aktom broj: 10-02.3-6063-7/23 od 27.03.2023.godine u kojem je, između ostalog navela: „, :,, u „Izvještaju o sigurnosnoj provjeri” dokazano da je „proizvedeno i distribuirano u skladu sa zahtjevima kvaliteta” te da

Agencija za lijekove „nema zakonskog osnova da donosi mjere suspendovanja dozvole za promet“.

U vezi ranije provedene nabavke inzulinskih pumpi napominje se da je Zavod zdravstvenog osiguranja i reosiguranja Federacije Bosne i Hercegovine, kao Ugovorni organ, proveo i okončao otvoreni postupak javne nabavke inzulinskih pumpi, za koji je objavljeno Obavještenje o nabavci br. 804-1-1-30-3-34/24, objavljeno na Portalu javnih nabavki dana 09.05.2024.godine. Nakon provedenog i okončanog postupka javne nabavke sa najpovoljnijim ponuđač, odnosno kvalifikovanim ponuđače čija je prihvatljiva ponuda ocijenjena kao najpovoljnija je zaključen ugovor o nabavci odnosno isporuci o nabavci odnosno isporuci inzulinskih pumpi za djecu insulinoovisnike i to inzulinskih pumpi „Proizvođački naziv za proizvod: MiniMed 740G Insulin Pump Kit, prenosiva insulinska infuzionna pumpa(elektronička, sa softverom za doziranje i binarnim algoritmom) MMT-1861, proizvođač: MEDTRONIC MINIMED, Sjedinjene Američke Države“.

Navedena medicinska sredstva su upisana u Registar medicinskih sredstava Bosne i Hercegovine na osnovu Potvrde Agencije za lijekove i medicinska sredstva, a saglasno odredbama Zakona o lijekovima i medicinskim sredstvima („Službeni glasnik BiH“, broj:58/08) i odredbama Pravilnika o medicinskim sredstvima („Službeni glasnik BiH“, br.04/10 i 21/22) čime su se stekli ulovi za njihovo stavljanje u promet na tržištu Bosne i Hercegovine, a što je bio i jedan od uslova preciziran u tenderskoj dokumentaciji.

Dakle iz gore navedenog proizilazi da se, kroz odgovarajuće definisanje tenderske dokumentacije, nabavkom registrovanih predmetnih medicinskih sredstava te i odgovarajućom specifikacijom istih, a kod aparata za mjerenje glukoze u krvi i (korištenjem rezultata Međunarodnog instituta za dijabetes koji su prihvaćeni i od AAED American Association of diabetes Educators odnosno odnosno korištenjem fotometrijske metode i GDH-FAD metode (biosenzorske tehnologije – metod glukoza dehidrogenaza flavin adenin dinukleotid), obezbjedio propisani sigurnost i kvalitet istih.

III

U vezi navoda iz inicijative da se „ obezbjede pumpice putem subvencioniranja troškova korisnicima inzulinske pumpice u iznosu od 100% vrijednosti inzulinske pumpice“, daje se sljedeći odgovor.

Pored Mišljenja Agencije za javne nabavke koje je citirano u predmetnoj inicijativi i koje je dostavljeno u prilogu predmetne inicijative, Agencija za javne nabavke je i u svom odgovoru na „Upit o primjeni Zakona o javnim nabavkama“ - Akt Agencije za javne nabavke BiH broj:02-02-1-333-2/24 od 28.02.2024.godine, između ostalog, navela:

„Shodno tome mišljenja smo da se ne mogu sve robe i usluge koje ugovorni organ subvencionira povesti pod izuzeće. Primjer subvencioniranih ugovora za nabavku roba koje ne podliježu primjeni Zakona je primjerice nabavka ortopedskih pomagala koje subvencioniraju, npr. Zavodi zdravstvenog osiguranja, jer se radi o tačno određenoj kategoriji korisnika, u ovom slučaju invalida imenom i prezimenom.....S druge strane strane nabavka lijekova koji će se koristiti u jednom kliničkom centru nije izuzeta od primjene Zakona, jer se u tom slučaju radi o djelatnosti kliničkog centra zbog čega je isti i osnovan, a ne o subvencioniranim robama. Isto tako, primjerice nabavka lijekova koji u potpunosti ili djelimično finansiraju Zavodi zdravstvenog osiguranja, podliježe primjeni Zakona, jer se ovdje radi o široj kategoriji osiguranika (pa tako vjerovatno i za nabavku test traka za određivanje glukoze u krvi) za koju se u momentu nabavke ne zna konkretno ime i prezime...”...Naprijed navedeno je generalno pojašnjenje odredbe člana 7. Zakona koji reguliše subvencionirane ugovore. Na kraju napominjemo da je Agencija za javne nabavke BiH savjetodavna institucija nadležna za

tumačenje Zakona o javnim nabavkama i pratećih podzakonskih akata iz oblasti javnih nabavki i ista nema nadležnosti da li određena nabavka spada pod subvenciju ili izuzeće od primjene Zakona, niti da određuje koji postupak javne nabavke će ugovorni organ provesti."

U vezi mogućeg izuzeća predmetne/ih javne/ih nabavke/i prije svega treba navesti, da ovaj Zavod provodi javne nabavke saglasno odredbama Zakona o javnim nabavkama i odredbama podzakonskih akata donesenih na osnovi ustog te drugih pozitivnih propisa te će tako postupati i u vezi predmetnih javnih nabavki, pri čemu bi se razmatrali i eventualni uslovi za izuzeće pa i u odnosu na subvencionirane ugovore te bi se uzelo u razmatranje i predmetna svjetodavna mišljenja odnosno tehnička i savjetodavna pomoć Agencije za javne nabavke vezano za primjenu i tumačenje odredbi Zakona o javnim nabavkama, pa vezano i za subvencionirane ugovore odnosno da li postoje uslovi za izuzeće.

IV

U vezi pitanja nabavke aparata sa trakama za mjerenje glukoze u takođe se napominje i poznato je da je u Vladi Federacije BiH održan sastanak dana 23.05.2023. godine, na kojem su učestvovali premijer Federacije BiH, federalni ministar zdravstva, ravnateljica Agencije za lijekove i medicinska sredstva BiH, ravnateljica Zavoda zdravstvenog osiguranja i reosiguranja Federacije BiH, te predstavnici Udruga oboljelih od dijabetesa tip 1. i na istom su doneseni određeni zaključci koji se tiču, između ostalog i toga da se moraju urediti (izmijeniti, dopuniti i dr.) određeni propisi kako bi se predmetna procedura vezana za ova medicinska sredstva prebacila sa Zavoda zdravstvenog osiguranja i reosiguranja Federacije BiH na kantonalne/županijske zavode zdravstvenog osiguranja, što će omogućiti istim obezbjeđenje sredstava koja će se dalje ista doznačavati roditeljima za kupovinu aparata sa trakama za mjerenje glukoze u krvi za djecu.

U cilju realizacije zaključka sa ranije navedenog sastanka, Zavod zdravstvenog osiguranja i reosiguranja Federacije BiH je, uz svoj Akt broj:01/III-05-3-2516-2/23 od 31.05.2023. godine, odnosno u prilogu istog, Federalnom ministarstvu zdravstva dostavio tražene informacije vezane za nabavku aparata sa trakama za mjerenje glukoze u krvi za djecu, a isti je sadržavao i podatke o kojem broju djece se radi po kantonima/županijama i o kojem iznosu sredstava se radi kada je u pitanju finansiranje aparata i trakica za kontrolu šećera u krvi kod djece na godišnjem nivou. O navedenom je, pored Federalnog ministarstva zdravstva obavještena i Vlada Federacije BiH (Akt ovog Zavoda broj:01/I-03-3-2516-3/23 od 13.10.2023.godine te i putem e- maila od 08.08.2024. sa prilogom), te na njihov upit i Udruga oboljelih od dijabetesa tip 1. (Akt ovog Zavoda broj:01/I-03-3-3658-1/23 od 23.08.2023.godine).

Iz navedenog proizilazi da je saglasno zaključcima sa održanog sastanka, u dijelu istih koji se odnose na ovaj Zavod, odnosno njegove nadležnosti, ovaj Zavod odmah i promptno postupio te o istom i obavijestio gore navedene organe.

Poduzimanja ostalih radnji saglasno zaključcima sa ranije navedenog održanog sastanka nije bilo u nadležnosti ovog Zavoda nego drugih nadležnih organa tj. Federalnog ministarstva zdravstva i Vlade Federacije BiH i isti mogu dati detaljnije informacije u pogledu predmetnog pitanja odnosno postupanja po zaključcima u dijelu koji se tiče njihovih nadležnosti.

S tim u vezi, a vezano za dio nadležnosti Federalnog ministarstva zdravstva i Vlade Federacije BiH koja se tiču realizacije zaključaka sa ranije navedenog sastanka, ovaj Zavod je uputio prema Federalnom ministarstvu zdravstva i svoj Akt broj: 01/I-03-3-3915-1/24 od 26.08.2024.godine te Urgenciju broj:01/I-03-3-3915-2/24 od 01.10.2024.godine , Urgenciju broj:01/I-03-3-3915-3/24 od 07.11.2024.godine , Urgenciju broj:01/I-03-3-3915-3/24 od 20.11.2024.godine kao i Urgenciju broj:01/I-03-3-3915-4/24 od 16.01.2024.godine, čije kopije su dostavljene i Vladi Federacije BiH u kojima je između ostalog navedeno da sve do

postupanja, saglasno donesenim, predmetnim zaključcima, ovaj Zavod, po pozitivnim propisima, koji još uvijek nisu izmjenjeni, ostaje u obavezi da vrši nabavku medicinskih sredstava odnosno aparata sa trakama za mjerenje glukoze u krvi za djecu, a što je u Informaciji detaljno navedeno odnosno u istoj su navedeni propisi na osnovu kojih ovaj Zavod vrši nabavku aparata sa trakama za mjerenje glukoze u krvi, za djecu.

S tim u vezi navedenim aktima od 26.08.2024.godine i predmetnim urgencijama zamolili smo Federalno ministarstvo zdravstva da nas blagovremeno, odnosno u što kraćem roku, informiše u vezi njegovih poduzetih radnji saglasno zaključcima, jer će od dobijene informacije vezane za provođenje zaključaka i dobijenih daljih instrukcija zavisiti i dalje postupanje ovog Zavoda vezano za predmetno pitanje..

Dakle saglasno zaključcima sa održanog sastanka, u dijelu istih koji se odnose na ovaj Zavod, odnosno njegove nadležnosti, ovaj Zavod je odmah i promptno postupio (u roku od 7 dana) te o istom i obavijestio , gore navedene organe. Takođe ovaj Zavod je od nadležnih organa tj. Federalnog ministarstvo zdravstva i Vlade Federacije BiH tražio, te u vezi navedenog i uputio više urgencija (četiri urgencije),da kada realizuju zaključke sa ranije navedenog sastanka, u dijelu iz svoje nadležnosti o tome obavijeste ovaj Zavod,a da bi bi isti mogao postupiti saglasno navedenom.

Kako je u ovoj godini, odnosno 2025.godini, kako je i ranije navedeno u našem Aktu od 26.08.2024.godine, istekao period na koji je zaključen predmetni okvirni sporazum te istekao i zadnji predmetni pojedinačni ugovor koji je zaključen na osnovu okvirnog sporazuma za nabavku aparata i traka za mjerenje glukoze u krvi za djecu, kako od strane Federalnog ministarstvo zdravstva i Vlade Federacije BiH nisu dobijene druge informacije odnosno da je od strane istih postupljeno saglasno ranije navedenim zaključcima po kojima bi se nadležnost za predmetnu nabavku „prebacila“ sa Zavoda zdravstvenog osiguranja i reosiguranja Federacije BiH na kantonalne/županijske zavode zdravstvenog osiguranja, kako je donesen Finansijski plan fonda solidarnosti Federacije BiH, za 2025. godinu u kojem su predviđena sredstva za predmetnu javnu nabavku aparata i traka za mjerenje glukoze u krvi za djecu te je ista i uvrštena u Plan javnih nabavki koje se finansiraju iz sredstava federalnog fonda solidarnosti i iz sredstava obezbijeđenih za rad stručne službe, za 2025. godinu, a prventveno iz razloga obezbijeđenja kontinuirane isporuke predmetnih medicinskih sredstava da ne bilo ugroženo zdravlje djece koja koriste navedna medicinska sredstva, Zavod je u obavezi da, saglasno ranije navedenim pozitivnim propisima, pokrene, te će i pokrenuti i provesti novu javnu nabavku aparata sa trakama za mjerenje glukoze u krvi za djecu.O navedenom pokretanju predmetnog postupka javne nabavke su obavješteni Federalno ministarstvo zdravstva i Vlada Federacije BiH Aktom ovog Zavoda broj:01/I-03-3-3915-5/24 od 12.02.2025.godine.

V

Ovaj Zavod ostaje, kao i do sada, na raspolaganju za davanje, a saglasno pozitivnim propisima i na Vaše traženje i drugih potrebnih informacija/mišljenja i sl. iz njegove nadležnosti rada,.

S poštovanjem,

Dostaviti: 1.Naslovu

2. Vlada Federacije BiH
Hamdije Čemerlića br.2
71000 Sarajevo
Tajnik Vlade C.O

3.Federalno ministarstvo zdravstva C.O.

4.a/a

Izv. prof. dr. sc. Vlatka Martinović, dr.med.

DIREKTOR